

444

8171

E

171







DISPUTATIO JURIDICA  
INAUGURALIS

DE

# Conditione Indebiti.

Q V A M,

PRÆSIDE DEO TER. OPT. MAX.

*Ex Auctoritate Magnifici Rectoris,*

JOHANNIS VOET, J. U. D.

Ejusdemque Facultatis in Illustri Academiâ

Lugd.-Bat. Professoris ordinarii.

NEC NON

*Amplissimi Senatus Academici Consensu, & Nobilissima  
Facultatis JURIDICÆ Decreto,*


PRO GRADU DOCTORATUS,

Summisque in Jure utroque Honoribus & Privi-  
legiis ritè ac legitimè consequendis,

*Publico examini subjicit*

ANTONIUS BOUWER, DAVENTRIENSIS.

*Ad diem 29 Martii horâ locoque solitis.*



LUGDUNI BATAVORUM,  
Apud ABRAHAMUM ELZEVIER,  
Academiæ Typograph. MDC LXXXVI.

# EVERHARDO BOUWER,

J. U. D. & Consulari viro  
Reipublicæ Daventrien-  
fis, patri suo, ea, qua  
par est, pietate colen-  
do.

Disputationem hanc Inaugu-  
ralem devoto animo de-  
dicat.

ANTONIUS BOUWER.

*Auctor.*






DISPUTATIO JURIDICA

INAUGURALIS,

DE

Condiotione Indebiti.



uoniam Scripturus pro more Candidato-  
rum Disputationem Inauguralem, expli-  
candam mihi sumpsi Condiotionis inde-  
biti materiam; qua commodè intelligi  
nequit, si non ante noscamus quotuplex  
sit obligatio, propterea quod pro obliga-  
tionum varietate aliquid censetur debi-  
tum aut indebitum; ideo rectius me facturum credidi, si  
breuiter quadam de obligationibus separato capitulo præ-  
mitterem, quam si hic illic aliquid interfererem. Caterum  
non est animus multa præfatione chartam replere; institu-  
ti mei rationem tantum mihi reddendam existimaui, ne  
cui inconueniens videatur, Disputationem, cui titulus.  
De Condiotione indebiti, initium capere ab obligatio-  
nibus.

A 2

Ca.

# CAPUT I.

## De Obligationibus.

1. **O**Mnis obligatio est juris quoddam vinculum quo adstringimur ad aliquid præstandum. Prout autem nobis vinculum injicit aliquando sola naturalis æquitas; interdum mera juris civilis subtilitas; quandoque jus civile & æquitas simul; ita obligatio dividitur in naturalem, merè civilem, & mixtam. Naturalem quod attinet obligationem (quam solo æquitatis vinculo sustineri tradit Papinianus<sup>a</sup>) eam jus civile destituit vel in totum, adeo ut nec actio nec exceptio eius nomine competat; vel pro parte potissimâ, ut actio inde non detur. Obligatio naturalis, quam plane destituit jus Civile, vocatur propterea minus plena, eamque vel lex omnino non juvat, vel prohibet. Exemplum ejus, quæ non juvatur, est obligatio ad remunerandum; illi enim non legimus eos effectus tribui, quos obligatio naturalis plenior habet: & eatenus vocatur tantum naturalis obligatio, quatenus naturaliter honestum est, ei, qui beneficium in nos contulit, gratiam referre: Cæterum inter dantem & accipientem beneficium illud non agitur (inquit Duarenus<sup>b</sup>) ut is, qui dedit, eo nomine quicquam recipiat. Alioquin enim non beneficium sed creditum esset. Hinc negat Ulpianus<sup>c</sup> bonæ fidei possessores, qui ex hereditate donaverunt, locupletiores factos: quamvis ad remunerandum sibi aliquem naturaliter obligaverunt. Prohibitæ obligationis naturalis exemplum est obligatio mulieris intercedentis; eam enim SCtum in totum improbat, sic ut nec fidejussores teneantur. <sup>d</sup> Pupilli quoque obligatio sine tutoris auctoritate contracta pro parte huc pertinet, quantum enim ad ipsum pupillum nullos habet effectus, quantum ad alios effectibus non caret. Verum de hac obligatione res non valdè expedita est, eo, quod quædam leges pupillum naturaliter obligari ajunt, quædam negant. Statuendum videtur pupillum, qui ejus ætatis est, ut consentire possit, & qui intelligit quid agat, naturaliter ex promisso suo obligari. <sup>e</sup> Unde etiam fidejussor huic obligationi accedens efficaciter obligatur. <sup>f</sup> Et novatio per

<sup>a</sup> L. 95. §. 4. ff.  
d. Solut.

<sup>b</sup> Ad Tit. d.  
Cond. Ind.  
<sup>c</sup> L. 25. §. 11.  
<sup>d</sup> d. Her. Pet.

<sup>d</sup> L. 16. §. 1. ff.  
ad SCtum Vel-  
lej. l. 9. C. eod.

<sup>e</sup> L. 25. §. 1.  
Quand. dies  
leg. l. 21. ad l.  
Falc. l. 95 § 2.  
l. 44. d. solut.  
<sup>f</sup> L. 127 ff. d.  
Verb. Obl.



per hanc obligationem fieri potest. & Quia autem (uti dictum) in gratiam & favorem pupilli huic obligationi vis omnis eatenus est detracta, quatenus cæteroquin ipsi pupillo nocere posset, ideo quidam I Cti ita loquuntur, ac si ne naturâ quidem pupillus obligaretur. \* Apparet itaque obligationem pupilli admodum singularem esse. Obligatio naturalis plenior, quæ ex parte tantum destituitur, non spernendos habet effectus; qui potissimum in his consistunt, quod naturale debitum possit compensari. Quod per errorem solutum possit retineri ut debitum, de quo plura inferius: quod admittat constitutum. & Fidejussores. \* Pignora. \* Et Novationem. \* Exempla hujus obligationis sunt contractus servorum. \* Et pacta nuda. \*

2. Obligatio civilis est vinculum solius juris civilis æquitate naturali carens. Hæc actionem quidem parit, sed quæ exceptione elidi potest. Adeo ut effectu inspecto hæc propriè obligatio dici nequeat. Nihil enim interest (teste Paulo.) q. Ipso jure quis actionem non habeat, an per exceptionem infirmetur. Exempla nobis exhibet Imp. Justinianus his verbis: *Si metu coactus, aut dolo inductus aut errore lapsus stipulanti promisti, quod non debueras promittere, palam est jure civili te obligatum esse, & actio, qua intenditur dare te oportere efficax est: sed iniquum est te condemnari. Ideoque dabitur tibi exceptio.* \*

3. Est & alia species civilis obligationis, quæ quidem revera nititur solâ ratione juris Civilis, cui tamen naturalis æquitas inesse præsumitur. Talis est obligatio rei judicatæ. Quippe *Res judicata pro veritate habetur*: licet verissimum sit condemnatum nihil omnino debere, & rem aliter se habere ac judicatum est. \*

4. Obligatio naturalis & civilis simul, seu mixta, est, quam sustinet & naturalis æquitas & pariter juris Civilis auctoritas: eaque producit actionem efficacem, ac præcipuè obligatio vocatur, quemadmodum & is propriè debitor intelligitur, à quo invito exigì pecunia potest. \* Hæc definitur, quod sit *Juris vinculum, quo necessitate adstringimur alicujus rei solvenda secundum nostræ Civitatis jura.* \*

g l. 1. in fin. ff. d. Novat.

h L. 41. ff. d. Cond. Ind. l. 5. ff. d. O. & A. i L. 6. ff. d. Conpers.

k L. 1. §. 6. & 7. ff. d. Const. Pec.

l L. 6. in fin. & l. 7. ff. d. Fidej.

§. 1. Inst. eod. m L. 5. ff. d. Pign.

n l. 1. in fin. ff. d. Novat.

o L. 13. pr. ff. d. Cond. Ind.

p L. 24. §. 1 ff. d. R. I. junct.

l. 1. ff. d. Pact. q L. 112. ff. d. R. I. add. l. 25.

ff de Verb. Obl.

r §. 1. Inst. d. except.

s L. 207. ff. d. R. I.

t L. 25. ff. d. Stat. Hom.

u L. 108. ff. d. V. S.

x Pr. Inst. d. Obl.



## CAPUT II.

### *De Conditione indebiti.*

1. **C**ondictio indebiti est actio personalis ex quasi contractu, ad repetendum id, quod indebitè per errorem solutum est. Dicitur ex quasi contractu: Ex vero enim contractu hanc actionem non dari, indicat Julianus. <sup>a</sup> His verbis; *Non omnis numeratio eum qui accepit obligat: sed quoties id ipsum agitur, ut confestim obligaretur.* Ad verum igitur contractum incundum illud agi oportet, ut obligatio constituatur. Is autem, qui indebitum per errorem solvit, expressè contrarium agit; nam non alia intentione solvit, quam ut liberetur ab obligatione, qua se teneri putat. Quia tamen jus (propterea quod naturâ æquum est, neminem cum alterius detrimento fieri locupletiores. <sup>b</sup>) æquissimam fecit interpretationem; qua solvens illud agere censetur, ut si postea appareat indebitum fuisse quod solutum est, restitutio fiat: Et accipiens eo animo esse, ut nolit retinere quod alienum est: ideo hic illi quasi ex contractu obligatur. Ex præsumpto igitur, seu à legibus ficto consensu, extra id quod agitur tacita nascitur obligatio, teste Pomponio. <sup>c</sup> Hinc ait Imp. Justinianus. <sup>d</sup> Si certiore rationem sequamur, dici posse, accipientem magis ex distractu quam ex contractu esse obligatum. Cum tamen propriè loquendo ex distractu obligatio nasci nequeat.
2. Requiritur primo in definitione ut aliquid sit *solutum*. Ut tamen si aliquid indebitè fuerit promissum, non solum agenti exceptio opponi, <sup>e</sup> verum etiam cautio condici possit. <sup>f</sup> Soluti autem verbum duo continet, ut quid detur re ipsa, & ut detur tantum debitum. Datio igitur seu Domini translatio fit per solutionem. <sup>g</sup> Is enim qui aliquid ut debitum solvit, ideo dat, ut per dationem liberetur ab obligatione, ac proinde eo animo ne unquam repetatur. <sup>h</sup> Accipiens itidem ea mente accipit, ut solventem ab obligatione dimittat, ipseque rei solutæ dominus fiat: licet revera nulla obligatio intercesserit.
3. Exigitur secundò, ut sit *indebitum* quod solutum est. Pro diversitate autem obligationum diversæ etiam considerandæ sunt inde-

<sup>a</sup> l. 19. ff. d.  
Reb. Cred.

<sup>b</sup> l. 14. ff. h. t.

<sup>c</sup> l. 13. in fin.  
ff. Commod.  
d. §. 1. Inst.  
quib. mod. re  
contr. obl. & §.  
ult. d. obl. qua  
quas. ex contr.  
nasc.  
<sup>d</sup> l. ult. ff. ad  
S. Ctum Maced.  
f. l. 3. C. & l.  
§. 1. ff. h. t.

<sup>e</sup> l. 53. & arg.  
i. 26. ff. h. t.

<sup>f</sup> l. 55. ff. d.  
solvi.

indebiti species: Nam vel debetur aliquid ex obligatione naturali tantum, & civiliter est indebitum: vel ex obligatione merè civili, & naturaliter est indebitum: vel neque ex civili neque ex naturali obligatione debetur. Quod ex obligatione naturali plenius debetur illud solum nullo modo potest repeti. <sup>i l. 13. l. 19. ff. h. t. l. 3. §. 1. ff. quod quisq. iur. &c.</sup> Exemplum est in eo quod ex nudo pacto debetur. Ex nudo enim pacto naturalis tantum, non vero civilis & efficax ad agendum obligatio nascitur: quod ideo Romani constituisse videntur, ne Judices nimium litibus distraherentur: nam si ex nudo pacto actio data fuisset, saepe ob quævis vaga dicta & promissa, alter alterum in jus vocasset. Suppeditatur quoque exemplum naturalis debiti à Triphonino his verbis: *Si quod dominus servo debuit, manumisso solvit, quamvis existimans se ei aliqua actione teneri, tamen repetere non poterit: quia naturale agnovit debitum.* Quod si naturalis obligatio sit minus plena, qualem inducit voluntas testatoris minus solennis, vel legantis supra dodrantem bonorum, tunc conditio competit si aliquid solutum sit errore facti, non juris. <sup>k l. 64. ff. h. t. l. 9. c. ad l. Falc. & l. 7. c. h. t.</sup>

4. Secunda indebiti species est ejus, quod naturaliter non debetur, civiliter autem est debitum; quale est id, quod metu aut dolo promissum est. Atque illud solum repeti potest. <sup>m l. 26. §. 3. ff. h. t.</sup> Est aliud debitum jure civili, quod rectè exigitur; quale est quod ex re judicata debetur; ac idcirco ex ea causa solum repeti nequit <sup>n l. 1. c. h. t. & l. 36. ff. Fam. Erisc.</sup> utpote quod verum censetur debitum. Et cum detur ad illud petendum actio, multo magis retentio concedi debuit.

5. Tertia indebiti species est ejus quod nullo modo debetur nec naturaliter nec civiliter; cujus soluti procul omni dubio repetitio est. <sup>o l. 26. §. 3. ff. h. t.</sup> Hujusmodi debitum quoque censetur illud quod sub conditione vera debetur; Ideoque quod pendente tali conditione solutum est condici potest. <sup>p l. 16. 18. & 48. ff. h. t.</sup> Antequam enim conditio existat nulla omnino nata est obligatio; nam ex stipulatione conditionali (uti ait Imp. Justinianus, <sup>q §. 4. Inst. de Verb. Obl.</sup> 9) tantum spes est debitum iri. Secus est, ubi quid solum, quod debebatur sub conditione certò extiterat; tunc enim conditio denegatur. <sup>r l. 18. ff. h. t. l. 9. §. 1. ff. d. Novat.</sup> Quia propter eventus certitudinem tale debitum pro puro habetur. <sup>s l. 18. ff. h. t. l. 9. §. 1. ff. d. Novat.</sup>

6. Quod si quis exceptionem habeat perpetuam, & per errorem solverit, adhuc conditioni locus est. Verum hoc non esse perpetuum tradit Marcianus. <sup>t l. 40. ff. h. t.</sup> Nam si exceptio detur in odium ejus cui debetur, perperam solum non repetitur. Veluti si filius-



linsfam. contra SCtum Macedonianum mutuam pecuniam acce-  
 perit, & paterfam. factus solverit, non repetit. Cujus etiam  
 hæc ratio affertur, quod naturalis obligatio maneat. <sup>a</sup> Ubi vero  
 exceptio in excipientis favorem est introducta, solutum repeti  
 potest (Veluti si mulier ex intercessione solverit.) Quod tamen  
 itidem non est perpetuum. Nam si unus ex pluribus fidejussori-  
 bus solidum per errorem solverit, partem revocare nequit. <sup>u</sup>  
 Cum tamen beneficium divisionis fidejussorum gratia sit conces-  
 sum. Item si quis in aliena area tanquam propria ædificaverit,  
 is per exceptionem doli mali rem tam diu retinere potest, donec  
 impensæ fuerint restitutæ. <sup>y</sup> qui tamen si possessionem domino  
 tradiderit, conditionem non habet, quia nihil accipientis fe-  
 cit. <sup>z</sup> Verus quoque debitor per iniquam Judicis sententiam ab-  
 solutus, licet exceptione perpetua & in suum favorem introducta  
 tutus sit, tamen si solverit, repetere non potest, quia naturali-  
 ter manet obligatus. <sup>a</sup> Æquitas enim naturalis non dependet ab  
 arbitrio Judicis. Si tamen absolutus conveniatur, datur ei exce-  
 ptio rei judicatæ propter utilitatem publicam, ut aliquis sit litium  
 finis. Duarenus ad h. t. Bachovius. <sup>b</sup> & Perezius. <sup>c</sup>  
 7. Si incertum, utrum exceptio perpetua an vero temporalis  
 sit, conditio non denegatur; Veluti si quis, ne conveniatur  
 donec Titius consul fiat, paciscatur: tunc quia potest decedente, Ti-  
 tio perpetua fieri exceptio, quæ, Titio consulatum ineunte ad  
 tempus est: *summa ratione* (inquit Papinianus. <sup>d</sup>) *dicitur, quod in-*  
*terim solvitur repeti.* Si vero exceptione dilatoria tantum & tem-  
 porali creditor agens repelli possit, solutum repeti nequit. Hinc  
 is qui in diem certum debet, ac ante diem solvit, conditionem  
 non habet, quia certo constat diem venturum. *In diem debitor*  
 (ait Paulus. <sup>e</sup>) *adeo debitor est, ut ante diem solutum repetere non pos-*  
*sit.* Quoties enim in diem quid promissum est, statim dies cessit &  
 obligatio nata est. <sup>f</sup> Debitum autem exigi ante diem non potest. <sup>g</sup>  
 Eoque respectu inquit Ulpianus. <sup>h</sup> *Diem adjectum efficere ne præ-*  
*senti die pecunia debeatur.* Ita scil. non *debetur* ut statim cum effe-  
 ctu exigi possit. Diei incerti econtrariò longè alia ratio est, is  
 enim conditionem facit: propterea quia potest non venire; i-  
 deoque illud, quod in talem diem debetur, si antè diem solu-  
 tum sit, tanquam indebitum repeti potest. <sup>i</sup> Nisi sit ejusmodi  
 dies, de quo incertum quando, certum autem quod aliquando  
 ventu-

<sup>a</sup> l. 10. ff. ad  
 SCtum Mac.

<sup>x</sup> l. 48. §. 1. ff.  
 d. Fidej.

<sup>y</sup> l. 14. §. 1.  
 ff. Comm. Di-  
 vid.  
<sup>z</sup> l. 33. & § 1.  
 ff. h. t.

<sup>a</sup> l. 60. ff. h. t.

<sup>b</sup> ad Treutl. p.  
<sup>c</sup> Disp. 22.  
 Th. 4. lit. H.  
<sup>e</sup> in Cod. tit.  
 d. O. & A.

<sup>d</sup> l. 56. ff. h. t.

<sup>e</sup> l. 10. ff. h. t.

<sup>f</sup> l. 213. ff. d.  
 V. S.  
<sup>g</sup> l. 46. ff. d. V.  
<sup>h</sup> & d. l. 213.  
<sup>i</sup> l. 41. ff. d.  
 V. O.

<sup>i</sup> l. 56. ff. h. t.



venturus sit. Nam si cum moriar dare promisero, & antea solvam, repetere non possum. <sup>l.</sup> Cum itaque is qui in diem certum aliquid debet, <sup>l. 1. 17. eod.</sup> adeo debitor sit, ut ante diem solutum repetere non possit, quaeritur an non fortis citius solutæ interusurium reddi debeat? Quod licet affirmandum suadeat æquitas, præsertim ubi multi adhuc anni præterire debuerant antequam debitor ad solutionem urgeri potuerat: In puncto tamen juris verior videtur contraria sententia; Quia nulla causa subest ex qua hæ usuræ exigì possent: Præterea ubi principale non potest peti, ibi nec accessorium. <sup>Insu- 1 l. 26. C. de</sup> per creditor nihil aliud quam sibi debitum accepit, ejusque statim dominus effectus est, adeo ut commodum & utilitas domini non immerito ad eum pertinere dicatur. Ita sentiunt Perèzius in Cod. h. t. Zoësius ad π. h. t. D. Johann. Voet. Præceptor meus in suo compendio h. t. Bokkelmann. alique ad h. t.

8. Ex persona quoque dantis & accipientis æstimatur *indebitam*; si quod alii debetur, alii solvatur: aut si id quod alius debebat, alius quasi ipse debeat, solvat. <sup>m l. 65. § ult.</sup> Proinde ita solutum repeti potest. *Quamvis debitum sibi quis recipiat* (inquit Pomponius. <sup>ff. h. t.</sup>) *tamen si is, qui dat, non debitum dat: repetitio competit: Velut si is* <sup>n l. 19. §. 1. eod.</sup> *qui heredem se vel bonorum possessorem falso existimans, creditori hereditario solvit. Hic enim neque verus heres liberatus erit: & is quod dedit repetere poterit.* His non sunt contraria sequentia verba Pauli. <sup>o l. 44. eod.</sup> *Repetitio nulla est ab eo qui suum recepit: tamen si ab alio quam vero debitore solutum est.* Distinguendum enim est, utrum quis suo nomine solverit quod alius debet; an vero nomine veri debitoris. Priori casu competit conditio, & verus debitor non liberatur. <sup>p d. l. 19. §. 17.</sup> Nam quod quis suo nomine solvit, non debitoris, debitorem non liberat. <sup>o d. l. 65. §. ult. & l. 5. C. eod.</sup> Et quidem ideo non liberari verum debitorem tradit Africanus, quia is, qui suo nomine solvit indebitam pecuniam, ejus repetitionem habet. <sup>q l. 31. ff. d. Her. Pet.</sup> Posteriori casu conditio non datur. Ex. gr. Si negotiorum meorum gestor pro me solvit, non dabitur conditio, quia solvit meo nomine, qui verè debebam, qua solutione ipse liberatus fui. Alius enim pro me solvendo me liberat. <sup>l. 1. §. 24. ff. d. Exerc. Act.</sup> Quod adeo verum est, ut liberer, licet pro me invito solutio fiat. Naturalis enim simul & civilis ratio suavit, alienam conditionem meliorem etiam ignorantis & inviti nos facere posse.

9. Porro ut hæc conditio competat, necesse est ut solutio  
B facta

l. 2. l. 1. 25. §.  
2. eod. & l. 9.  
C. h. t.  
x l. 53. ff. d.  
R. I.  
y l. 26. §. 3. ff.  
b. r.  
z l. 50. eod.

l. 2. eod.  
bl. 24. eod.

l. ult. c. h.  
9.

d l. 41. §. 1.  
ff. d. R. I.  
c l. 1. ff. d.  
Iur. & fact.  
ign.

f l. 2. ff. d.  
Iur. & fact.  
ign.  
§. 6. In §. d.  
Obl. quæ quas.  
ex coner. nasc.

l. 26. ff. d.  
p. l.

facta sit per errorem. Quippe qui sciens indebitum solvit, non repetit. Cujus enim per errorem dati repetitio est, ejus consulto dati donatio est. Hinc is, qui cum sciret se perpetua exceptione tutum, solvit, repetere non potest. Quod adeo verum est, ut, etiamsi quis sciens solverit indebitum hac mente ut postea repeteret, repetitio denegetur. Propositum enim in mente retentum nihil operatur. Secus est, ubi aperte hanc legem solutioni dixit. Quod si quis sciens aliquid indebitè promiserit, licet non solverit, promissionem minimè condicere poterit. De eo qui dubitans indebitum solvit, olim disputatum fuit, an ei concedi deberet repetitio, propterea quod is, qui dubitans solvit, non per errorem, sed transactionis causa solvere præsumatur & videatur solutione sua dubitationem tollere. Verum Imp. Justinianus rejecta hac ratione conditionem concessit. Quia contra animo dubio & incerto solventem transactionis præsumptio induci non potest, eo quod in transactionibus voluntas & consensus intervenire debeat. Et in dubio melius est favere repetitioni, quam adventitio lucro.

10. Quoniam autem error duplex est juris & facti. Ante hic occurrit quæstio, de quo errore hoc intelligendum sit, quod passim legimus; Indebitum per errorem solutum condici posse. Plurimi Interpp. respondent simpliciter de errore facti tantum, non juris: moti præcipue l. 10. C. d. jur. & fact. ign. ubi ita Imp. rescribunt: *Cum quis jus ignorans indebitam pecuniam solverit: cessat repetitio: per ignorantiam enim facti tantum repetitionem indebiti solui competere tibi notum est.* Et rationem differentiarum reddunt: Quod jus finitum & possit & debeat esse: facti autem interpretatio plerumque prudentissimos fallat. Verum si e contrario consideremus, quod nec Imp. Justinianus. Nec Veteres Juri in omnibus Pand. legibus, nec Imp. in plerisque legibus Cod. h. t. aut tantum propter errorem facti repetitionem concedunt, aut propter juris errorem denegant, sed simpliciter errore solutum repeti posse, & solam scientiam obstare pronunciant: Probabilius videntur alii statuere; Ubi nulla subest naturalis obligatio, ibi errorem juris non impedire conditionem indebiti: Veluti si quis dolo inductus aut metu adactus promiserit, ac postea per errorem juris ex tali stipulatione solverit. *Jure enim natura æquum est neminem cum alterius jactura fieri locupletiores.* Quæ regula si in ullo,



maximè in casu proposito obtinere debet, ubi cæteroquin is, qui  
 accepit, non tantum cum alterius detrimento, verum etiam pro-  
 pter proprium dolum & improbitatem locupletaretur: Quod fo-  
 ret iniquissimum. Et testatur alibi Imp. Justinianus; Nemini  
 legibus concedi ex delicto & improbitate impium sibi lucrum af-  
 ferre. His accedit, quod hæc conditio ex bono & æquo intro-  
 ducta, quod alterius apud alterum sine causa deprehenditur, re-  
 vocare consuevit: teste Papiniano.<sup>i</sup> Quod autem solvens in jure er-  
 ravit, id nullam justam causam retinendi tribuere potest ei, qui ac-  
 cepit, quod sibi nullo modo debebatur. Tradit præterea Papinia-  
 nus. & Juris ignorantiam non prodesse acquirere volentibus: suum  
 vero petentibus non nocere. Et generaliter in damnis amitten-  
 dæ rei omnibus non nocere juris errorem. Frustrâ reponitur,  
 quod agatur de re amissa, quando res condictione indebiti repe-  
 titur. Nam si per solutionem indebitè factam res ita sit amissa,  
 ut nullo modo repeti possit, verissimum est juris errorem in re  
 amittenda nocuisse. Uti eleganter disputat Bachovius.<sup>l</sup> Et hæc sen-  
 tentia, quod, ubi nulla omnino subest naturalis obligatio, errore  
 juris solum repeti possit, non una lege confirmatur. *Ex ea sti-  
 pulatione* (ait Pomponius.<sup>m</sup>) *quæ per vim extorta, si exacta esset pe-  
 cunia, repetitionem esse constat.* Julianus quoque ex sententia Ner-  
 væ & Attilicini respondet pecuniam solutam ab eo qui se debe-  
 re quidem putabat, verum ignorabat quod se exceptione doli  
 mali tueri potuisset, repeti posse.<sup>n</sup> Et apertissimè juris error de-  
 prehenditur in casu à Papiniano proposito, de muliere quæ pu-  
 tabat se matrimonium posse contrahere cum avunculo, illique  
 eum in finem dotem dederat; cui tamen conditio conceditur.<sup>o</sup>  
 Allegata itaque lex 10. C. intelligenda videtur de ejusmodi ca-  
 sibus, quales proponuntur in illis legibus, in quibus hæc distin-  
 ctio inter solum errorem juris, & facti, occurrit. Veluti si quis  
 per errorem facti, non retinuerit quartam ex causa fideicommis-  
 si, is repetere potest: Si vero sciens se posse retinere, aut er-  
 rore juris universum restituerit, condictionem non habet.<sup>p</sup> Hic  
 enim qualis qualis saltem subest naturalis obligatio, quæ justam  
 retinendi causam tribuit ei, qui accepit. Unde heres, qui omi-  
 sit Falcidiæ commodum, pleniore pietatis officio functus di-  
 citur.<sup>q</sup> Ita statuunt Bachovius, Vinnius, Huberus, alii-  
 que.

i l. 66. ff. h. t.

k l. 7. & 8. ff.  
d. l. i. & ff.  
ign.

l. Tract. d. A. ff.

m l. 7. ff. A.  
Cond. ob sup. p.  
caus.

n l. 7. ff. d.  
Cond. caus. dat.  
&c.

o l. ult. ff. d.  
Cond. fin. caus.

p l. 9. C. ad l.  
Falcid.

q l. 5. §. 15.  
ff. d. Donat.  
inst. vir. & m.



# CAPUT III.

1. **A**ctio, qua indebitum repetitur, vocatur condictio indebiti. <sup>a</sup> Aliquando condictitia actio; <sup>b</sup> quandoque actio conditionis. <sup>c</sup> Sæpius simpliciter condictio. Eaque datur illi qui indebitum per errorem solvit: ut & heredi ejus. <sup>d</sup> Delegato quoque qui alieno creditori pecuniam à se indebitam promisit suo nomine, adversus eum, qui delegavit, competit condictio. <sup>e</sup> Aliquando etiam illi cuius interest, etiam si ipse non solverit. <sup>f</sup> Non enim novum esse tradit Ulpianus. <sup>g</sup> ut, quod alius solvit, alius repetat. Si procurator solverit ex mandato Domini, aut si Dominus solutionem ratam habuerit, tunc Domino competit hæc actio: si vero nec mandatum nec ratihabitio intercesserit, ipsi procuratori datur. <sup>h</sup> Quod si duo rei aut reus & fidejussor, qui decem debebant, viginti pariter solverint: celsus ait, singulos quina repetituros: quia cum decem deberent & viginti solvissent, quod amplius ambo solverint, ambo repetere possunt. <sup>i</sup> Si vero non pariter sed diversis temporibus solverint: is qui posterius solvit, indebiti conditionem habet, quia is solus indebitum solvit. <sup>k</sup>
2. Datur adversus eum hæc condictio, cui quid indebitè solutum est, non contra eum cui solutio profuit. <sup>l</sup> Nam hæc actio (uti Cap. 2. dictum) personalis est ex quasi contractu, ac ideo personam sequitur. Si procuratori solutum sit indebitum, adversus ipsum competit hæc actio, nisi Dominus ei mandaverit ut reciperet, aut ratum habuerit, tunc enim adversus Dominum datur. <sup>m</sup>
3. Repetitur hac actione id ipsum quod solutum est; aut tantundem. <sup>n</sup> Nam si species quædam soluta fuerit, puta, Stichus, tunc ea ipsa species repetitur. Quando vero res fungibilis soluta est, tantundem repetitur. Quantitas restituitur sine usuris; <sup>o</sup> *Actione enim conditionis (uti ait Imp. Anton. <sup>o</sup>) ea sola quantitas repetitur, quæ indubita soluta est.* Species vero soluta restitui debet cum fructibus, partu & accessionibus, deducta tamen impensa. <sup>p</sup> Si ususfructus in re soluta alienus sit, deducto usufructu res condicitur. <sup>q</sup> Promissio quoque condici potest, ut liberetur is, qui indebitum promissit. <sup>r</sup> Item indebitæ quantitatis interposita scriptu-

prura. <sup>f</sup> Nec non possessio. <sup>g</sup> Servitus. <sup>u</sup> Et rei æstimatio. <sup>x</sup> No-  
 tandum autem eum à quo indebitum condicetur, eatenus tantum  
 damnari, quatenus est factus locupletior: adeo ut si quis servum  
 indebitum sine fraude modico distraxerit, ad hoc solum refun-  
 dendum teneatur, quod ex pretio habet. <sup>y</sup> Vel si servum indebi-  
 tum nesciens manumiserit, non teneatur ad pretium ejus. <sup>z</sup> Sic  
 quoque habitatione indebitè data, pecunia condicetur, non qui-  
 dem quanti locari potuit, sed quanti alter conducturus fuisset. <sup>a</sup>  
 Quod si quis centum debens, cum existimaret se debere ducenta,  
 fundum ducentorum in solutum dedit; is fundum repetere  
 potest, & centum manet stipulatio. Licet enim res pro pecunia  
 soluta pariat liberationem: tamen si ex falsa debiti quantitate ma-  
 joris pretii res soluta est, non sit confusio partis rei cum pecunia:  
 quia nemo ad communionem invitus compellitur: sed integræ rei  
 manet conditio & obligatio incorrupta: ager autem retineri  
 potest donec debita pecunia solvatur. <sup>b</sup> Aliud obtinet, si quis,  
 cum deberet centum & putaret se debere ducenta, solverit rem  
 fungibilem, veluti oleum quod valebat ducenta, tunc enim pars  
 tantum olei condicetur; <sup>c</sup> Quia nihil in iis rebus est incommodi.  
 4. Quæsitum fuit, si quis ad duas res disjunctim obligatus ve-  
 luti Stichum aut Pamphilum, utrumque per errorem solverit, cui  
 electio competeret? Ulpianus & Marcellus existimabant, ei qui  
 accepit, dari arbitrium retinendi quod vellet. <sup>d</sup> Imp. Justinianus  
 autem illorum sententiam improbavit, & cum Papiniano ac Ju-  
 liano electionem recipiendi concessit ei, qui & dandi habuit. <sup>e</sup>  
 Quæ tamen electio cessat, si, postquam uterque servus solutus  
 esset, alter ex his in rerum natura esse desiit: tunc enim nihil re-  
 petetur; sed manebit in soluto id quod superest. <sup>f</sup> Ratio est, quia  
 si ante solutionem desiisset in rerum natura esse, nullam promif-  
 sor electionem haberet. <sup>g</sup> Quod si duo rei debentes Stichum aut  
 Pamphilum, utrumque pariter solverint, tunc, quia per partes re-  
 petere non possunt, quippe qui nec solvere sic ab initio potuerunt;  
 electio est creditoris cui velit solvere: ut alterius repetitio impe-  
 diatur. <sup>h</sup> Utrique quod unus solvit alter repetere non potest: co-  
 que si electio danda esset solventibus, ea in partibus rerum solu-  
 tarum futura esset: quod ratio juris non patitur. Creditor enim  
 hominem debitum in partibus diversorum hominum accipere non  
 cogitur. <sup>i</sup>

<sup>f</sup> l. 3. C. eod. 11

<sup>t</sup> d. l. 15. §. 2.

<sup>u</sup> l. 2. §. 12.

<sup>ff</sup> h. 1.

<sup>x</sup> l. 26. §. 12.

<sup>eod.</sup>

<sup>y</sup> d. l. 26. §.

<sup>12.</sup>

<sup>z</sup> l. 65. §. 8.

<sup>eod.</sup>

<sup>a</sup> d. l. 65. §. 7.

<sup>b</sup> l. 26. §. 4.

<sup>cod.</sup>

<sup>c</sup> d. l. 5. §.

<sup>d</sup> d. l. 26. §.

<sup>12. in fin.</sup>

<sup>e</sup> l. pen. C. 6. §.

<sup>f</sup> l. 32. ff. h. 1.

<sup>g</sup> l. 34. §. 2. ff.

<sup>d. Contr. Empt.</sup>

<sup>h</sup> l. 21. ff. h. 1.

<sup>i</sup> l. 2. §. 1. ff.

<sup>d. Verb. Obl.</sup>

A 3

5. Cui



*l. 1. §. 1. d.  
Prob. & Presumpt.*

5. Cui incumbat probatio videbitum fuisse quod solutum est, docet nos Paulus & qui ait: ita rem temperandam esse, ut si is, qui accepisse dicitur rem vel pecuniam indebitam, hoc negaverit, & is, qui dedit, legitimis probationibus solutionem adprobaverit, sine ulla distinctione ipsum qui negavit sese pecuniam accepisse, si vult audiri, compellendum esse ad probandum quod pecuniam debitam accepit. Sin vero ab initio solutionem quidem confiteatur, dicat autem sibi debitum solutum esse, tunc actori incumbere probationem. Nisi is sit vel pupillus, vel minor, vel miles, vel agriculator, vel mulier: quo in casu is, qui accepit pecunias, ostendere debet bene se eas accepisse, & debitas fuisse.

## CAPUT. IV.

*a l. 1. §. 1.  
cum seqq. ff.  
Depos.  
b l. 4. c. h. t.  
§. ult. Inst. d.  
Obligat. quas  
ex contr. nasc.*

1. **C**essat hæc conditio in quibusdam casibus; quales sunt illi in quibus inficiando lis crescit in duplum; veluti in actione L. Aquilæ; depositi miserabilis (id est, quod incendii, ruinæ, naufragii causa factum est. <sup>a</sup>) Et in actione legatorum quæ Sacrosanctis Ecclesiis, & cæteris venerabilibus locis, quæ vel religionis vel pietatis intuitu honorantur, relicta sunt. <sup>b</sup> Cujus rei communiter hæc ratio redditur, quod is, qui simpliciter ex hac causa solvit, ideo solvisse præsumitur, ne inficiando periculum dupli subiret; atque ita quasi de duplo transsegisse. Non sine ratione autem requirunt hic interpretes, ut causa aliqua subsit, Verb. Gr. ut damnum datum, licet non ab eo qui solvit: & legatum in pios usus relictum sit, licet minus solenniter.

*c l. ult. §. 3.  
ff. h. t.*

2. Quæri solet an renunciatio quoque faciat cessare hanc conditionem? Et quidem generalem renunciationem non impedire conditionem tradit Scævola. <sup>c</sup> De Speciali vero dicendum videtur, eam non magis impedire repetitionem si & ipsa per errorem facta sit: secus, ubi donandi animo facta est.

CO-



# COROLLARIA.

I.

*Creditor reddendo, unum ex duobus chirographis  
non censetur remisisse debitum.*

II.

*Qui credit in refectioem navis non habet legalem  
hypothecam.*

III.

*Res deposita ob impensas retineri nequit.*

IV.

*Mulier Scto Vellejano etiam extra judicium renun-  
ciare potest.*

F I N I S.

*Doctrina & virtute Nobilissimo juveni*

ANTONIO BOUWER,

Cum pro gradu Doctoratus summisque in utro-  
que jure honoribus ritè consequendis  
solidissimè disputaret.

**I** Te procul lachrymæ, procul hinc, procul ite querelæ,  
Sit sine nube Dies prospera tota nobis:  
Lætitia, ludisque viæ, nunc, plausibus æther  
Personet innocuis, dulcisonisque modis.  
Ufus amicitiaë mansurus ritè per annos,  
Carmen & incomptum pangere adigit amor.  
Nam modo lux oritur, castis lux aurea votis  
Exoptata diu, cunctaque læta ferens.  
Tempus adest, *Bouwere*, tuum, quo præmia portas,  
Præmia sollicito digna labore tuo;  
Quo solidus tibi surgit honos, nec inutile nomen:  
Quo poteris animi vota replere tui.  
Certè si quemquam decuit decerpere fructus,  
Si quemquam merito cinxit honore Themis,  
Tu *Bouwerus* eris, patriæ spes inclyta vestraë,  
Felix ingenio, corporeisque bonis.  
Non labor ac moles te terruit ardua rerum,  
Dum vigilas studiis, suavis amice, tuis.  
Sic tibi Diva Themis voluit se pandere totam;  
Sic cedunt Almæ munera Sancta Deæ.  
Prospera sint magnis præmissa exordia cœptis;  
Ulterius pergas, te decet altus honos:  
Nunc aliud studium, majoraque mente voluta;  
Te vocat in Patriam tempus & hora tuam.  
Quod Felix, faustumque tibi Deus annuat, oro,  
Et liceat terris te superesse diu.

Gratulabundus apposuit  
HERMANNUS KELFFKEN,  
J. U. Studiosus.

